

## Z A P I S N I K

### **o izvršenom nadzoru nad radom Asocijacije izvođača i svirača (AIS) za 2024. godinu član 12. Zakona o kolektivnom ostvarivanju autorskog i srodnih prava („Službeni glasnik BiH“ broj 63/10)**

Dana 30. 10. 2025. godine, u prostorijama Asocijacije izvođača i svirača AIS, Generala Mehmeda Alagića br. 6/III, Sarajevo, ovlaštena službenica Instituta za intelektualno vlasništvo Bosne i Hercegovine je obavila nadzor nad radom kolektivne organizacije, s ciljem da se utvrdi da li ona obavlja djelatnost kolektivnog ostvarivanja prava izvođača muzičkih djela u skladu sa odredbama Zakona o kolektivnom ostvarivanju autorskog i srodnih prava, izdatom dozvolom i svojim opštim i internim aktima.

#### **Prisutni:**

1. U ime Instituta za intelektualno vlasništvo BiH: Tatjana Vitomir, šef Odsjeka za autorsko pravo i srodna prava.
2. U ime AIS-a: Zejjid Šoto, predsjednik Upravnog odbora AIS-a i Amer Husejnović, v.d. direktor Stručne službe AIS-a

U postupku nadzora službenica Instituta je pitala v.d. direktora Stručne službe AIS-a sljedeće:

1. Broj članova organizacije na dan vršenja nadzora nad radom?

V.d. direktor Stručne službe AIS-a je odgovorio da AIS ima ukupno 1143 članova, od čega 983 čine redovni i 160 pridruženi.

**Komentar Instituta: Po preporuci Instituta iz prethodne godine, AIS je formirao Komisiju za reviziju članstva, koja je počela sa radom. O konačnim rezultatima obavljene revizije potrebno je dostaviti informaciju Institutu.**

2. Koliko nosilaca prava se isključilo iz sistema kolektivnog ostvarivanja prava i koji su to autori i nosioci prava u pitanju (ovo važi samo za one nosioce prava i ona prava za koja je zakonom dozvoljeno da se njihovi nosioci isključe iz sistema kolektivnog ostvarivanja i to pisanom izjavom dostavljenom organizaciji)?

V.d. direktor Stručne službe AIS-a je odgovorio da se u 2024. godini iz članstva u AIS-u isključio jedan izvođač.

3. Da li je organizacija do dana vršenja prethodnog nadzora zaključila novi bilateralni ugovor sa drugom srodnom organizacijom? Ako jeste, sa kojom organizacijom i šta je predmet tog ugovora?

V.d. direktor Stručne službe AIS-a je odgovorio kolektivna organizacija AIS nije imala zaključenih novih bilateralnih ugovora u 2024. godini.

4. Da li je organizacija, u rokovima propisanim bilateralnim ugovorima izvršila isplatu naknada stranim srodnim organizacijama sa kojima ima zaključen ugovor o međusobnom zastupanju?

V.d. direktor Stručne službe AIS-a je odgovorio da je kolektivna organizacija AIS u periodu manjem od godinu dana napravila 6 obračuna za prethodne godine (kompletan ponovljen obračun za 2022. godinu i djelimično za 2021. godinu, te na osnovu dostavljenog claima obračunali ino kolektivne organizacije PI, HUZIP i IPF za 2021. godinu i obračunali izvođačke naknade za 2023. godinu i 2024. godinu) kako bi ispunili naložene mjere od strane Instituta za intelektualno vlasništvo BiH. U dodatnom nadzoru Instituta od 11. 06. 2025. godine je utvrđeno da je AIS postupio po naloženim mjerama i ispunio uslove za stavljanje van snage Rješenja o uslovnom oduzimanju dozvole. Nakon što su ponovljeni i završeni svi ovi obračuni stekli su se uslovi da se razmjene podaci sa stranim srodnim organizacijama i krene u



daljnu realizaciju obaveza. Razmjenjeni su svi podaci o emitovanjima, odnosno PlayedRecordings liste. U skladu sa SCAPR utvrđenim procesima razmjene, nakon što se izvrši i razmjena claimova i obračunaju izvođačke naknade za nosioce izvođačkog prava, iste će biti isplaćene nosiocima izvođačkog prava odnosno stranim srodnim organizacijama. Po ovom pitanju održavamo čestu i dobru komunikaciju sa ino kolektivnim organizacijama u vezi procesa realizacije ugovorenih obaveza, te smo se međusobno dogovorili i napravili plan da do kraja 2025. godine, da obostrano završimo kompletne procese razmjene i obračune naknada za 2022. i 2023. godinu. Obzirom na gore navedeno, obostrano obračun po bilateralnim ugovorima za obračunsku 2023. godinu nije napravljen, AIS nije dobio fakture po ovom osnovu.

5. Da li su strane organizacije sa kojima domaća organizacija ima zaključen bilateralni ugovor blagovremeno isplatile naknadu za iskorišćavanje domaćih autorskih djela odnosno srodnih prava u inostranstvu i dostavile odgovarajuće informacije na osnovu kojih domaća organizacija može te naknade da isplati domaćim nosiocima prava?

V.d. direktor Stručne službe AIS-a je odgovorio da je odgovor na ovo pitanje sadržan u prethodnom odgovoru. Naime, u skladu sa utvrđenim procesima razmjene, nakon što budu obostrano razmjenjeni claimovi i obračunate izvođačke naknade za nosioce izvođačkog prava, iste će biti isplaćene izvođačima. Načelan dogovor je da kompletan proces bude realiziran za obračunsku 2022. i 2023. godinu do kraja 2025. godine. Obzirom na gore navedeno, obostrano obračun po bilateralnim ugovorima za obračunsku 2023. godinu nije napravljen, AIS nije poslao fakture po ovom osnovu. Samo je kolektivna organizacija SAMI iz Švedske napravila isplatu AIS-u u 2025. godini na temelju podataka IPD baze za period od 2016 - 2023. godine, u iznosu od 938,75 SEK.

6. Na koje brojeve računa i kod kojih banaka korisnici autorskih djela odnosno srodnih prava uplaćuju naknadu domaćoj organizaciji?

V.d. direktor Stručne službe AIS-a je odgovorio da AIS ima otvorena dva računa kod UniCredit Bank i to: račun broj: 338-720-2254-275-832 (KM) i devizni račun (EUR) broj: 338-730-4838-702-796.

7. Koliko je ukupno bilo prigovora/žalbi nosilaca prava na obračun naknada u prethodnoj kalendarskoj godini za prethodnu obračunsku godinu a koji su dostavljeni nadležnom tijelu ili organu organizacije? Koliko je prigovora nosilaca prava na obračun naknada usvojeno u cijelosti a koliko je odbačeno ili odbijeno?

V.d. direktor Stručne službe AIS-a je odgovorio da je na obračun tantijema za 2023. godinu, koji je realizovan u septembru 2024. godine, uloženo 10 prigovora/žalbi. Provjerom je utvrđeno da su 2 žalbe osnovane, 1 žalba je djelimično osnovana, dok je 7 žalbi odbijeno kao neosnovano.

Nijedna od žalbi nije odbačena zbog kašnjenja iii proceduralnih grešaka već isključivo zbog dokazivanja i potvrđivanja da nije bile greške u obračunu u dijelu kojeg žalba pominje. Osnovane žalbe su prihvaćene, ali je u postupku njihove ponovne obrade utvrđeno da se ne radi o greški u sistemu obračuna, već o pogrešno nazvanim ili markiranim djelima iz žalbe. Obzirom da za ista imamo izdvojena sredstva, žalbe smo uvažili i isplatili.

Na obračun izvođačkih naknada za 2024. godinu, a koji je realizovan u 2025. godini, uloženo je 5 žalbi. Provjerom je utvrđeno da je 1 žalba osnovana, da je 1 žalba djelimično osnovana, a 3 žalbe su odbijene kao neosnovane. Provjerom je utvrđeno da nijedna žalba nije bila osnovana zbog grešaka u procesu obračuna, već isključivo zbog nečitkih ili neurednih podataka dostavljenih od strane emitera koja se nisu mogla kompjuterski matchirati odnosno upariti. Ukupno po žalbama za obračunsku 2024. godinu je isplaćeno 66,43 KM neto.

8. Podaci o obradi košuljica, procenat urednih i neurednih košuljica?



V.d. direktor Stručne službe je odgovorio da kolektivna organizacija AIS dobija liste emitovanja od emitera u različitim formatima: Word, PDF, Excel, CSV, txt, m3u i slično, a koje su uglavnom komplikovane i vrlo neuredno struktuirane. Od ukupno 116 košuljica od 87 emitera (broj košuljica = broj kanala emitera) 5 košuljica je odbačeno jer su bile neuredne (4%), dok je 111 košuljica obrađeno i iste su ušle u obračun tantijema za 2023. godinu (96%). Razlozi zbog kojih su odbačene košuljice su dostavljanje nepotpunih ili nevjerodostojnih podataka, čija obrada zahtijeva dodatno angažovanje na ponovnoj obradi podataka iz playlisti.

U obračunu tantijema za 2024. godinu, a koji je realizovan u 2025. godini u obračun je ušlo 80 emitera sa 103 kanala/košuljice, 2 košuljice su odbačene jer su bile neuredne, nepotpune ili nevjerodostojnih podataka čija obrada je zahtijevala dodatno angažovanje na ponovnoj obradi podataka iz listi emitovanja.

9. Uzorak radio i televizijskih stanica, način formiranja uzorka s detaljnim obrazloženjem sa osvrtom na međunarodnu praksu u odnosu na to pitanje?

V.d. direktor Stručne službe je odgovorio da su svi dobijeni programski podaci obrađeni i uzeti u obračun. U fazi obrade ustanovljeno je 4% košuljica koje su se morale odbaciti.

10. Koliko su ukupno planirani troškovi poslovanja, a koliki su realizovani rashodi?\* Kada je Skupština usvojila finansijski plan, te da li se rashodi planiraju i usvajaju na analitičkim knjigovodstvenim kontima?  
\*Rashode obvezno popuniti na temelju Balance uspjeha i Bruto balance korisnika (navedeni dokumenti su sastavni dio ovoga izvješća)

V.d. direktor Stručne službe je odgovorio da su planirani troškovi u 2024. godini u iznosu od 445.000 KM, a realizovani rashodi u istoj godini iznose 444.212,82 KM. Finansijski plan za 2024. godinu usvojila je Skupština dana 10.11.2024. godine.

11. Koliko je naplaćeno sredstava u godini koju kontrolišemo, a koliki je bio ukupan prihod?\*  
\*Obvezno popuniti na temelju Balance uspjeha i Bruto balance korisnika (navedeni dokumenti su sastavni dio ovoga izvješća)

V.d. direktor Stručne službe je odgovorio da je u toku 2024. godine fakturisano je (sa PDV-om) 1.614.839,79 KM, a naplaćeno je (sa PDV-om) 1.498.089,77 KM. Ukupni prihod u 2024. je u iznosu od 1.284.487,37 KM.

12. Koliki su ukupni troškovi poslovanja procentualno u odnosu na naplaćena sredstva, a koliki u odnosu na ukupan prihod?

V.d. direktor Stručne službe je odgovorio da troškovi poslovanja u odnosu na naplaćena sredstva iznose 29,65% ( $444.212,82 / 1.498.089,77 * 100$ ); a u odnosu na ukupni prihod troškovi su 34,58% ( $444.212,82 / 1.284.487,37 * 100$ ).

13. Da li je Skupštini prezentovano ko je sve angažovan za obavljanju poslova u kolektivnoj organizaciji za konsultantske usluge, ugovore o djelu, ugovore o autorskom djelu, advokatske usluge i sl.?

V.d. direktor Stručne službe je odgovorio da je na sjednicama Skupštine organizacije prezentovano ko je sve angažovan za obavljanje poslova vanjskih saradnika poput ugovora o djelu, advokatskih usluga i slično.

14. Sukladno Bilanci Uspjeha i Bruto bilanci korisnika, prikazati tabelarno „grupu konta 4“ – rashode i prihode?

V.d. direktor Stručne službe je dostavio sljedeće podatke:

| Konto | Naziv | Saldo DUG | Saldo POT |
|-------|-------|-----------|-----------|
|-------|-------|-----------|-----------|

|            |  |                   |
|------------|--|-------------------|
| 400000     | Kancelarijski materijal  | 1,978.76          |
| 400006     | Otpis sitnog inventara u upotrebi  | 446.00            |
| 400008     | Materijal za održavanje čistoće  | 254.55            |
| 400009     | Održavanje poslovnog prostora  | 26.00             |
| 400010     | Održavanje opreme  | 90.00             |
| 400100     | Električna energija  | 820.28            |
| <b>400</b> | <b>Materijal i energija</b>  | <b>3,615.59</b>   |
| 401000     | Zakupnina  | 15,866.92         |
| 401100     | Troškovi reprezentacije  | 2,539.87          |
| 401101     | Grafičke usluge  | 38.20             |
| 401110     | Bankarske usluge   | 4,285.03          |
| 401200     | Komunalne usluge   | 876.66            |
| 401201     | PTT - telefon  | 3,741.00          |
| 401202     | PTT - internet   | 204.78            |
| 401203     | Otprema pošte  | 4,411.31          |
| 401400     | Takse i ostale državne naknade   | 3,080.00          |
| 401500     | Knjigovodstvene i revizorske usluge  | 32,525.00         |
| 401600     | Usluge kotizacije i članarine  | 11,442.09         |
| 401700     | Usluge obezbjeđenja  | 2,964.00          |
| 401800     | Pravne usluge  | 37,175.69         |
| 401801     | Troškovi Skupštine   | 4,806.92          |
| 401902     | Ostale usluge  | 7,336.00          |
| 401905     | Troškovi oglašavanja   | 442.64            |
| 401906     | Osiguranje   | 423.66            |
| <b>401</b> | <b>Usluge</b>  | <b>132,159.77</b> |
| 402000     | Bruto plate zaposlenih   | 183,101.35        |
| 402010     | Troškovi doprinosa NA platu  | 19,225.75         |
| 402100     | Topli obrok zaposlenih   | 13,501.40         |
| 402200     | Troškovi prevoza zaposlenih  | 1,484.00          |
| 402400     | Troškovi po osnovu darova koje poslodavci daju uposlenicima povodom državnih i vjersk. praznika i sl | 500.00            |
| <b>402</b> | <b>Plaće i ostala primanja zaposlenih</b>  | <b>217,812.50</b> |
| 403000     | Amortizacija opreme  | 3,351.39          |
| <b>403</b> | <b>Amortizacija</b>  | <b>3,351.39</b>   |
| 405000     | Dnevnice i putni troškovi u zemlji   | 150.00            |
| 405200     | Upotreba privatnog vozila u poslovne svrhe   | 1,096.24          |
| 405300     | Ostali troškovi službenog puta   | 108.20            |
| <b>405</b> | <b>Putni troškovi</b>  | <b>1,354.44</b>   |
| 407000     | Poseban porez za zaštitu od nesreće  | 911.86            |
| 407100     | Vodna naknada  | 911.86            |
| 407101     | Naknada za zapošljavanje invalidnih lica   | 915.50            |
| <b>407</b> | <b>Porezi i doprinosi koji ne zavise od rezultata</b>  | <b>2,739.22</b>   |
| 408000     | Troškovi naknada za ugovore o djelu  | 30,829.22         |
| 408100     | Troškovi naknada za UO, NO i Skupštinu   | 48,503.43         |
| 408800     | Ostali rashodi   | 3,063.26          |
| 408810     | Rashodi po osnovi promjene rač. politika i ispravaka pogrešaka                                       | 784.00            |



|               |  |                          |                     |
|---------------|--|--------------------------|---------------------|
| <b>408900</b> | <b><u>Troškovi tantijema i fondova</u></b>                     | <b><u>840,274.55</u></b> | -                   |
| <b>408</b>    | <b>OSTALI RASHODI</b>  | <b>923,454.46</b>        |                     |
| 417000        | Prihodi od TC, sportskih i drugih objekata                     |                          | 106,357.24          |
| 417001        | Prihodi od RTV emitera   |                          | 185,356.56          |
| 417002        | Prihodi od kablovskih emitera                                  |                          | 726,478.24          |
| 417003        | Prihodi od hotela i drugih ugostiteljskih objekata             |                          | 40,547.43           |
| 417004        | Prihodi od koncerata   |                          | 1,825.00            |
| 417200        | Prihodi od kamata  |                          | 138.07              |
| 417300        | Ostali prihodi   |                          |                     |
| 417310        | Prihodi od sudskih postupaka                                   |                          | 222,285.98          |
| <b>417</b>    | <b>Prihodi od vlastite aktivnosti</b>                          |                          | <b>1,282,988.52</b> |
| 418810        | Prihodi po osnovi promjene rač. politika i ispravaka pogrešaka |                          | 1,498.85            |
| <b>418</b>    | <b>Ostali prihodi</b>  |                          | <b>1,498.85</b>     |
| <b>4</b>      |  | <b>1,284,487.37</b>      | <b>1,284,487.37</b> |
| <b>Ukupno</b> |  | <b>1,284,487.37</b>      | <b>1,284,487.37</b> |

15. Koliki su ukupni izdaci za sve ugovorene usluge, u bruto i neto iznosu?\*

*\*Izdatke za ugovorene usluge obvezno popuniti na temelju Bruto bilance korisnika (navedeni dokument je sastavni dio ovoga izvješća)*

V.d. direktor Stručne službe je odgovorio da su troškovi naknada za ugovore o djelu: neto 26.686,13 KM (konto 301100), bruto 30.829,22 KM (konto 408000) + KM 266,86 (poseban porez i vodna naknada (dio konta 407000 i 407100); troškovi naknada za UO, NO i Skupštinu: neto 40.269,85 KM (konto 301200), bruto 48.503,43 KM (konto 408100) + 402,69 KM (poseban porez i vodna naknada (dio konta 407000 i 407100). Ukupni izdaci za sve ugovorene usluge na temelju Bruto bilance na dan 31. 12. 2024. godine su 132.159,77 KM.

16. Ko unosi košuljice u sistem, a ko provjerava unos u sistem? Da li su definisana pravila i doneseno uputstvo o unosu i kontroli košuljica?

V.d. direktor Stručne službe je odgovorio košuljice unosi u sistem angažovano IT lice koji vrši obradu podataka i obračun. Proces i provjeru unosa u sistem kontroliše Stručna služba. Zatim se svi obrađeni podaci dostavljaju na pregled Stručnoj službi i članovima Komisije za nadzor, kontrolu obračuna i isplate tantijema, u skladu sa Pravilnikom o mehanizmu nadzora, kontrole obračuna i raspodjele tantijema, a konačni izvještaj dostavlja se Upravnom odboru.

17. Koliko je sredstava raspodijeljeno u godini koja se kontroliše, u neto i bruto iznosu, koliko domaćim autorima, a koliko na osnovu recipročnih ugovora sa stranim organizacijama?\*

*\*Odgovaraju samo KO koje su imale raspodjelu sredstava, dokumente uskladiti sa Bruto bilancom korisnika*

V.d. direktor Stručne službe je odgovorio da je u toku 2024. godine izvršena isplata tantijema za 2023. kako slijedi: neto iznos 245.523,41 KM + porez 21.359,96 KM = bruto 266.883,37 KM. U aprilu 2024. godine izvršena je isplata tantijema za 2022. po reobračunu kako slijedi: neto iznos 119.914,29 KM + porez 10.324,62 KM = bruto 130.238,91 KM.

---

**Komentar Instituta: AIS je izvršio rezervaciju za isplatu tantijema za 2024. godinu u iznosu od 840.275 KM.**

18. Koliko emitera je ušlo u obračun i da li su obrađene sve „košuljice“?

V.d. direktor Stručne službe je odgovorio da je u obračun tantijema za 2023. godinu koji je realizovan u 2024. godini ušlo ukupno 87 emitera sa 111 kanala/košuljica. 5 košuljica je odbačeno jer su bile neuredne.

19. Da li je bilo kontrola od strane drugih nadležnih institucija?

V.d. direktor Stručne službe je odgovorio da je u 2024. godini bila kontrola od strane Poreske uprave FBiH, te posredni inspekcijski nadzor od strane Upravnog inspektorata Ministarstva pravde BiH.

20. Koliko je tužbi pokrenuto protiv korisnika, a koliko je presuda doneseno? Koliko je tužbi pokrenuto protiv kolektivne organizacije, a koliko je riješeno?

V.d. direktor Stručne službe je odgovorio da AIS ima pokrenutih/aktivnih 40 sudskih postupaka, od čega je tokom 2024. godine pravosnažno riješeno 4 predmeta, po kom osnovu je AIS ostvario prihode u iznosu od 100.165,00 KM.

Protiv kolektivne organizacije AIS u 2024. godini pokrenute su tri tužbe od kojih za jednu postoji prvostepena presuda na koju je uložena žalba i dvije tužbe u 2025. godini.

21. Da li je organizacija usvojila dokumenta predviđena članom 20. ZKOASP?

V.d. direktor Stručne službe je odgovorio da je kolektivna organizacija AIS usvojila sva dokumenta predviđena članom 20. ZKOASP.

22. Koliko je sredstava isplaćeno za kulturne, a koliko za socijalne namjene?

V.d. direktor Stručne službe je odgovorio da kolektivna organizacija AIS u 2024. godini nije izdvajala sredstva u Fond za kulturne i socijalne namjene, tako da nije bilo isplata u ove svrhe.

U postupku nadzora izuzeta je finansijska dokumentacija, i to: analitička i sintetička Glavna knjiga; Bruto Bilanca na dan 31. 12. 2024. godine; Revizorsko izvješće za 2024. godinu; Rješenje i zapisnik Porezne uprave FBiH za dodatno utvrđene poreze; presuda po tužbi Jasmina Misirlić; blagajnički dnevnik - više uzoraka; bankovni izvodi u KM i EUR valuti - više uzoraka; izlazni računi i knjižna odobrenja - više uzoraka; konto rezervacije sredstava za tantijeme i fondove; ulazni računi - više uzoraka; plaće za 03/2024; troškovi UO, NO i Skupštine; obračun i isplatu tantijema za 2022. godinu - više uzoraka; obračun i isplatu tantijema za 2023. godinu - više uzoraka.

Pored navedenog, izuzete su kopije zapisnika i odluka Skupštine, Upravnog i Nadzornog odbora u 2024. godini; ugovori sa korisnicima iz svih kategorija korisnika, sa obračunom i fakturom. Izuzete su i sve odluke Skupštine i Upravnog odbora (starog i novog saziva) iz 2023. i 2024. godine koje se odnose na raspodjelu naknada izvođačima, reobračunima naknada za prethodne godine i isplati naknada na osnovu bilateralnih ugovora i prava na naknadu za privatnu i drugu vlastitu upotrebu.

Vjerujemo da su temeljem nadzora AIS-a pribavljeni dovoljni i odgovarajući dokazi, koji osiguravaju temelj za mišljenje Instituta.

### **Mišljenje**

Institut je dana 03. 07. 2024. godine donio Rješenje o uslovnom oduzimanju dozvole Asocijaciji izvođača i svirača, za obavljanje poslova kolektivnog ostvarivanja prava izvođača muzičkih djela, na period od godinu dana od dana donošenja Rješenja, jer AIS nije u zadatom roku (niti u produženom



roku) postupio po nalogima Instituta za otklanjanje nepravilnosti u poslovanju. Nakon isteka roka iz Rješenja o uslovnom oduzimanju dozvole, Institut je u junu 2025. godine obavio dodatni nadzor nad radom kolektivne organizacije AIS i utvrdio da je AIS postupio po nalogima Instituta i otklonio utvrđene nepravilnost u poslovanju, nakon čega je Institut donio Rješenje broj: 04-47-5-526-24/23VT od 30. 06. 2025. godine, kojim je stavio van snage Rješenje o uslovnom oduzimanju dozvole AIS-u.

Finansijsko poslovanje kolektivne organizacije AIS je u potpunosti prikazano fer i istinito, po svim bitnim pitanjima, na dan 31. 12. 2024. godine, odnosno bilo je u svim materijalno značajnim aspektima usklađeno sa važećom zakonskom regulativom.

U postupku nadzora smo dobili informaciju da je Porezna uprava FBiH izvršila inspekcijski nadzor iz svoje nadležnosti, za period od 01. 01. 2019. do 31. 12. 2024. godine i utvrdila dodatne porezne obaveze AIS-a za naznačeni period u iznosu od **397.591 KM**. AIS je podnio žalbu na Rješenje Porezne uprave FBiH, postupak je u toku.

### Skretanje pažnje:

1. U postupku nadzora je utvrđeno da je potrebno izvršiti izmjene i dopune člana 2. Pravilnika o mehanizmu nadzora i kontrole obračuna i raspodjele tantijema, kojim je predviđeno da se članovi Komisije biraju godišnje, za svaku obračunsku godinu. Pravilnikom nije predviđeno šta se dešava kada Skupština ne izabere Komisiju za nadzor i kontrolu obračuna tantijema, odnosno nije predviđeno da li se mandat postojeće komisije produžava ili ne (postoji pravna praznina). Potrebno je izvršiti izmjene i dopune navedenog Pravilnika i predvidi način na koji će se to riješiti. Izmjene i dopune Pravilnika potrebno je usvojiti na sjednici Skupštine AIS-a.

2. U postupku nadzora je utvrđeno da u AIS-u nije uspostavljen sistem internih kontrola, jer određeni računi i blagajnički dnevnik nisu potpisivani od odgovornih osoba, a isplaćeni su sa računa AIS-a. Potrebno je uspostaviti sistem internih kontrola.

Predstavnici AIS-a nisu imali primjedbi na Zapisnik.

Zapisnik je sastavljen u četiri istovjetna primjerka, od kojih dva zadržava od kojih dva primjerka zadržava Institut, a dva se dostavljaju kolektivnoj organizaciji AIS..

### Zapisnik potpisuju:

U ime Instituta:

Tatjana Vitomir, šef Odsjeka za  
autorsko i srodna prava




U ime AIS-a:

Zejid Šoto, predsjednik Upravnog odbora



Sesar Boris, dipl.ecc, angažovan po Ugovoru  
broj: UG 09/25FL za obavljanje finansijskog  
nadzora



Amer Husejnović, v.d. direktora Stručne službe

